

'O KAINA KE KUMU KOA

KAINA THE KOA TREE

Kākau 'ia na / Written by

Kulamanu Kawai'ae'a, Emilia Ka'awa, Kawehi Keolanui, a me Malia Kruger

Kaha ki'i 'ia na / Illustrated by

Eve Furchgott

Unuhina Pelekānia na / English translation by

Kiele Akana-Gooch

He alu like ka hoʻopuka ʻia ʻana o kēia pūkaʻina puke e ka Hale Kuamoʻo a me nā Kula ʻo Kamehameha.

'O Kaina ke Kumu Koa: Kaina the Koa Tree Kuleana Kope © 2009 na ka Hale Kuamo'o

Nona nā kuleana a pau.

ISBN: 978-0-87336-220-7

Haku 'ia kēia moʻolelo e nā haʻi moʻolelo o ka hanauna hou. Hoʻomohala 'ia na ka Hale Kuamoʻo ma Ka Haka 'Ula O Keʻelikōlani o ke Kulanui o Hawaiʻi ma Hilo, me ke kālā haʻawina na ka 'Oihana Hoʻonaʻauao Pekelala no ka Hoʻonaʻauao 'Ōiwi Hawaiʻi.

Luna Hoʻokele Pāhana: Alohalani Housman Kākau ʻia na Kulamanu Kawaiʻaeʻa, Emilia Kaʻawa, Kawehi Keolanui, a me Malia Kruger Unuhina Pelekānia na Kiele Akana-Gooch Kaha kiʻi ʻia na Eve Furchgott

Hoʻoponopono ʻia na Keoni Kelekolio me Liko Puha

Kāko'o Hakulau: Kaulana Dameg

Hale Kuamoʻo–Kikowaena ʻŌlelo Hawaiʻi Ka Haka ʻUla O Keʻelikōlani, Ke Kulanui o Hawaiʻi ma Hilo 200 West Kāwili Street Hilo, Hawaiʻi 96720-4091 hale_kuamoo@leoki.uhh.hawaii.edu www.olelo.hawaii.edu

Ka Papa Hoʻopuka ʻo Kamehameha 567 South King Street Honolulu, Hawaiʻi 96813 www.kamehamehapublishing.org

Ke ola nei nō ka 'ōlelo Hawai'i me ka māhuahua pū. 'O ka 'ōlelo kanaka ka 'ōlelo nui o kekahi mau papa kula a me nā 'ano honua like 'ole. 'A'ole na'e i lawa. E ho'olaha hou 'ia aku nō a ohaoha i waena o ka lehulehu. I paepae 'ia ho'i kēia mana'o, he mau hua'ōlelo a māmala'ōlelo Hawai'i ko ka unuhina Pelekānia o 'O Kaina ke Kumu Koa. Aia ho'i he mau ha'awina 'ōlelo a me ka papa hua'ōlelo Hawai'i ma ka pau 'ana o ka puke. E nanea iho ka mea heluhelu i ka walea a me ka maika'i o ka ho'opa'a 'ana i ka 'ōlelo Hawai'i.

This series has been published collaboratively by Hale Kuamoʻo and Kamehameha Schools.

'O Kaina ke Kumu Koa: Kaina the Koa Tree Copyright © 2009 by Hale Kuamo'o

All rights reserved.

ISBN: 978-0-87336-220-7

This contemporary story was written by a new generation of storytellers. Developed by Hale Kuamoʻo, Ka Haka ʻUla O Keʻelikōlani, University of Hawaiʻi–Hilo, with US DOE Native Hawaiian Education curriculum funds.

Project Director: Alohalani Housman Written by Kulamanu Kawai'ae'a, Emilia Ka'awa, Kawehi Keolanui, and Malia Kruger English translation by Kiele Akana-Gooch Illustrations by Eve Furchgott Editing by Keoni Kelekolio and Liko Puha Design Assistant: Kaulana Dameg

Hale Kuamoʻo–Hawaiian Language Center Ka Haka ʻUla O Keʻelikōlani, University of Hawaiʻi–Hilo 200 West Kāwili Street Hilo, Hawaiʻi 96720-4091 hale_kuamoo@leoki.uhh.hawaii.edu www.olelo.hawaii.edu

Kamehameha Publishing 567 South King Street Honolulu, Hawai'i 96813 www.kamehamehapublishing.org

The Hawaiian language is alive and growing in influence. Hawaiian is now the primary language in many classrooms and other settings, but there is still a great need to make Hawaiian more accessible to more learners. To address this need, we have included basic Hawaiian words and phrases in the English translation of 'O Kaina ke Kumu Koa. Hawaiian language lessons and a glossary are also included at the back of this book to provide additional learning opportunities. Our hope is that readers will discover that learning Hawaiian can be fun and rewarding.

'O KAINA KE KUMU KOA

KAINA THE KOA TREE



'O KAINA, he kumu koa 'ōpio 'o ia i kū i ka ikaika. I uka i ka nahele kahi āna i noho ai me kona 'ohana kumu koa.

Kaina was a young, strong koa tree. He lived in the upland forest with his koa tree 'ohana.






I KONA ALA 'ANA i kekahi kakahiaka, 'ike ihola 'o ia he one ko lalo o kona mau a'a, 'a'ole ho'i 'o ka lepo pa'a o uka. Aia kā ho'i 'o ia ma kahakai! 'O kona pi'oloke a'ela nō ia me ka 'imi pū aku nō i ka lepo e kūpa'a ai, 'a'ole na'e i loa'a. Auē! He 'ano 'ē nō kēia wahi, he 'oko'a ia, 'a'ole i like me nā mea ma'amau o kona wahi noho i uka.

Nūnē ihola 'o Kaina, "Pehea lā au i hiki mai ai ma 'ane'i?" Komo a'ela ka hopohopo i loko ona. "Ma hea lā ho'i ku'u 'ohana a me nā hoaaloha?" i nīnau ai 'o ia. Huli akula 'o ia i 'ō a i 'ane'i o kēia 'āina malihini i kekahi mea kama'āina iā ia. 'Ike akula 'o Kaina i kekahi mea e ne'e mālie ana ma ka 'ae kai, 'o ia ho'i ka holo 'ana o kekahi ...

One morning, Kaina awoke to find something strange under his roots. Instead of the firm, pa'a soil of the uplands, he found sand beneath him. He was at the beach! Aia i kahakai! Alarmed, Kaina quickly searched for more solid ground, but auē! None could be found! Everything around him was different from where he lived i uka, in the uplands.

"How did I get here?" Kaina wondered. He began to feel worried. "And where are my family and friends?" He looked here and there for something kama'āina he might recognize. Then he saw something moving sluggishly by the shore. It was the crawling of a ...





PĀPA'!! Aia i kai ka pāpa'i. No'ono'o ihola 'o Kaina, "Hō ka pa'akai o kēia wahi. 'A'ole kēia 'o ku'u home." Kāhea akula 'o Kaina i ka pāpa'i, "Hui! E ke hoa ē. Makemake au e ho'i i ku'u home. 'Ike anei 'oe i ke ala e ho'i ai au?"

Pane maila ka pāpa'i, 'o Kolohale ka inoa, "Auē, 'a'ole au 'ike i kahi o kou home. He 'ōlelo a'oa'o nō na'e ka'u: Aia i ke akamai a me ka ikaika o kou 'imi 'ana, aia i laila ke kō o ka makemake. E 'onipa'a!"


I ia manawa, pa'ē maila ke kani nehe a ka lau, 'o ia ho'i ka holu nape o ka lau o kekahi ...

pāpa'i! The pāpa'i was close to the sea—aia i kai. Kaina thought to himself, "Hō, this place is really salty. This isn't my home." He called out to the pāpa'i, "Hui! My friend! I'm trying to get back home. Do you know the way?"

The pāpa'i, who was named Kolohale, replied, "Auē. I do not know where your home is. But I do have some advice: If you are persistent, you will find what you seek. E 'onipa'a!"

Then Kaina heard the kani of leaves rustling in the wind. It was the swaying of a ...





KUMU NIU! Aia ma ka mau'u ke kumu niu. "Hō ka mane'o o ku'u mau a'a i ka mau'u," i no'ono'o ai 'o Kaina. "'A'ole kēia wahi 'o ku'u home." Kāhea akula 'o Kaina i ke kumu niu, "Hui! E ke hoa ē. Makemake au e ho'i i ku'u home. 'Ike anei 'oe i ke ala e ho'i ai au?"

He 'a'aka maoli ke 'ano o ke kumu niu me ka nāukiuki pū. 'O Hau'oli kona inoa. Pane maila ia, "Kā! E ka malihini ē, 'a'ole au e kōkua iā 'oe. E hele 'oe pēlā!"

Ha'alele aku 'o Kaina, hā'upu ihola 'o ia i ka 'ōlelo a ka pāpa'i i ha'i mai nei, "E 'onipa'a!" A ho'omau akula 'o Kaina i kona 'imi hele 'ana a hiki aku 'o ia i ka 'āina pālahalaha. Ma laila 'o ia i 'ike aku ai i nā a'a kiolea o ka ...

kumu niu! The kumu niu was growing among some grass—aia i ka mau'u. "Hō, my roots are really itchy on this mau'u," Kaina thought. "This isn't my home." He called out to the kumu niu, "Hui! Hey there, friend! I'm trying to get back home. Do you know the way?"

The kumu niu, named Hau'oli, was grumpy and impatient. "Kā! You malihini," said Hau'oli. "You're not going to get any help from me. E hele 'oe pēlā! Get out of here!"

As Kaina walked away, he remembered what Kolohale told him about being persistent—e 'onipa'a. And so, Kaina continued his search until he reached a flat area. There he saw the hanging roots of the ...



PŪHALA! Aia i kula ka pūhala. "Hō ka nui kāhelahela o kula, a 'o au, he li'ili'i wale nō," i no'ono'o ai 'o Kaina. "'A'ole nō ho'i kēia wahi 'o ku'u home." Kāhea akula 'o Kaina i ka pūhala, "Hui! E ke hoa ē. Makemake au e ho'i i ku'u home. 'Ike anei 'oe i ke ala e ho'i ai au?"

Pane maila ka pūhala, 'o Hīnano ka inoa, me ka pohā maoli mai o kona leo, "Aloha e ke hoa! 'A'ole au 'ike i kahi o kou home, eia na'e, inā makemake 'oe i kēia wahi, hiki iā 'oe ke noho ma 'ane'i me a'u."

"Mahalo nō," i 'ī akula 'o Kaina. "Eia na'e, ke huli nei au i ko'u home, kahi o ku'u 'ohana." Ha'alele akula 'o Kaina a ho'omau i kona 'imi hele 'ana i kona 'ohana. 'Ike akula 'o ia i ke kapalili 'ana o nā lau nui o kekahi meakanu, 'o ia nō ke ...

pūhala! The pūhala lived in the plains—aia i kula. "Hō, the kula is so big and broad, and I am so small," thought Kaina. "This isn't my home either." He called out to the pūhala, "Hui! E ke hoa ē. I'm trying to get back home. Do you know the way?"

The pūhala, named Hīnano, boomed back, "Aloha e ke hoa! I don't know where your home is, but if you like this place, you can live here with me."

"Mahalo nō," said Kaina. "But I am looking for my home, where my 'ohana lives." Kaina left Hīnano to continue searching for his 'ohana. Next, he came upon a plant with large, quivering leaves. It was the ...



KALO! Aia i ka māla ke kalo. "Hō ka 'eka'eka o ko'u 'ili i ka lepo o kēia māla," i no'ono'o ihola 'o Kaina. "'A'ole nō kā ho'i kēia wahi 'o ko'u home." Kāhea akula 'o Kaina i kekahi kalo me ka nīnau pū, "Hui! E ke hoa ē. Makemake au e ho'i i ku'u home. 'Ike anei 'oe i ke ala e ho'i ai au?"

Kūoʻo ke ʻano o ke kalo, ʻo Hiapo ka inoa, a pane maila ia, "Aloha mai kāua. 'Aʻole nō maopopo iaʻu kahi o kou home e waiho nei, akā nō naʻe, ke ʻole au e kuhi hewa, he ulu koa nui ko uka o kēlā puʻu." Kuhikuhi aʻela ʻo Hiapo i uka. "Ua like loa kou nānā ʻana me ko lākou. I laila nō paha ʻoe e ʻimi aku ai."

kalo! The kalo lived in a garden—aia i ka māla. "Hō, my bark feels so dirty from this māla," Kaina thought to himself. "This surely isn't my home." And so he called out to one of the kalo, "Hui! E ke hoa ē. I'm trying to get back home. Do you know the way?"

Hiapo, the kalo, was very dignified as he greeted Kaina. "Aloha mai kāua. I am not aware of the location of your home. However, if I am not mistaken, there exists a large grove of kumu koa just like you, living above that hill." Hiapo pointed i uka. "Perhaps that is where you should look."





MAHALO A'ELA 'o Kaina iā Hiapo, a ha'alele akula. Komo hou ka ikaika a ulu ka pīhoihoi i loko ona i ka mana'o he kokoke mai nō paha kona home!

I ko Kaina pi'i 'ana i uka, 'ike aku nei 'o ia i kekahi mea e lele ana i luna ala. 'O ia nō ka lele kū 'ana o kekahi ...

Kaina thanked Hiapo and continued on. The thought of nearly being home gave him the strength and energy to persist.

As Kaina climbed i uka, something flew above his head. It was the flight of an ...





'ELEPAIO! Aia i luna ka 'elepaio. 'Ōlelo maila ka 'elepaio, "Aloha mai kāua! 'O Kalama ko'u inoa. Pehea 'oe?"

Pū'iwa 'o Kaina i kēia manu maka launa, a pane akula 'o ia, "Aloha e Kalama! 'O Kaina ko'u inoa. Makemake au e ho'i i ku'u 'ohana. 'Ike anei 'oe i ke ala e ho'i ai au i ku'u home?"

Pane maila 'o Kalama, "E Kaina ē, 'a'ole au 'ike i kahi o kou home. Eia nō na'e, 'o kēia pilikia ou, ua 'ike mua au i ia mea ho'okahi i ko'u wā 'ōpiopio."

'elepaio! The 'elepaio was up above—aia i luna. "Aloha mai kāua!" said the 'elepaio. "My inoa is Kalama. Pehea 'oe? How are you?"

Kaina was surprised by the friendly manu. "Aloha e Kalama!" he said. "'O Kaina ko'u inoa. I'm trying to get back home. Do you know the way?"

Kalama replied, "E Kaina ē, I don't know where your home is. 'A'ole au 'ike. But this problem you're having is the same pilikia I faced as an 'ōpio."





MO'OLELO MAILA 'o Kalama, "I kekahi ahiahi, ua lele aku ko'u makuahine no ka 'imi 'ana i mea'ai na mākou. I loko nō o kona kauoha mai ia'u e noho pa'a ma ka pūnana, ua makemake na'e au e hahai aku iā ia. 'O ia ka maka mua ia o ko'u komo 'ana i ka ululā'au 'o au ho'okahi, a ua nalo koke a'ela ke ala e ho'i mai ai i ka pūnana.

"'A'ole au i mākaukau ma ka mālama 'ana ia'u iho. No laila, 'o ko'u 'imi koke aku nō ia i ku'u 'ohana. 'Imi aku au i 'ō i 'ane'i, a hala akula he mau lā. Ho'oikaika au i ka 'imi aku, a ua loa'a ihola nō ko'u 'ohana ia'u. Ua maopopo pono ia'u, 'o ku'u 'ohana ko'u home pono'ī."

A pau ko Kalama ha'i mo'olelo 'ana, lohe akula 'o Kaina i kekahi kani honehone. Nīnau akula 'o Kaina, "He aha kēnā kani?" 'O ia nō ho'i ka leo nahenahe o kekahi ...

Kalama told her moʻolelo. "One evening, my mother flew off to find meaʻai to feed us. She told me to stay home in our nest, but I still tried to follow her. It was my first time in the forest alone, and I couldn't find my way back to the pūnana. Ua nalowale!

"I knew I couldn't mālama myself, so I began to look for my 'ohana. I searched here and there for days. I was persistent, and eventually I found my 'ohana. Ua loa'a! And when I found them, I knew I was home."

As Kalama finished telling the moʻolelo, Kaina heard a beautiful humming sound. "He aha kēnā?" he asked. "Do you hear that?" It was the melodic leo of a ...





PŪPŪ KANI OE! Puka maila ka pūpū mai lalo mai o ka 'ēheu o Kalama.

"'O wau ho'i!" i ho'ōho maila kēlā. "'O Hinu ko'u inoa. Noho au ma kekahi kīpuka i piha i nā kumu koa. No laila mai nō paha 'oe e Kaina—'a'ole nō i mamao aku!"

pūpū kani oe! Out peered a little pūpū from beneath Kalama's wing.

"It's me!" said the pūpū. "'O Hinu koʻu inoa. I live in a kīpuka surrounded by lava and filled with kumu koa. Maybe that's where you are from, Kaina. It's not far away. 'Aʻole mamao!"





KOMO MAILA ka hauʻoli i loko o Kaina. 'Ōlelo akula 'o ia iā Hinu, "Hiki paha iā 'oe ke hō'ike mai ia'u i ke ala e hiki aku ai i laila?"

Pane maila 'o Hinu, "Hiki nō! Eia nō na'e, 'a'ole nō au i kama'āina i kou 'ohana, no laila, e maka'ala pono 'oe. E nānā ka maka, e ho'olohe ka pepeiao, e 'onipa'a nō kā ho'i ka mana'o. Inā kākou!"

Kaina was elated! "Can you show me the way back home?" asked Kaina. "Hiki paha?"

"Hiki nō! Can do!" said Hinu. "But I don't know your 'ohana, so you will need to pay attention and be observant. E nānā ka maka—the eyes look. E ho'olohe ka pepeiao—the ears listen. E 'onipa'a ka mana'o—the mind is focused. Inā kākou! Now let's get going!"





'O KA HOLO AKULA NŌ IA o lākou 'ekolu i uka. Ua 'oi aku ke anuanu o uka, a he pa'a maika'i ka lepo, e like me kā Kaina i ma'a ai.

lā lākou i hō'ea aku ai i ke kīpuka, kilo aku 'o Kaina i ia wahi me ka ho'olohe pono. Ua lohe maila 'o ia i ka leo 'olu'olu e heahea mai nei i kona inoa, "E Kaina ē, i hea 'oe?" 'Ike 'o Kaina i kekahi kumu koa lō'ihi a ikaika, he u'i loa ke nānā aku. Hīhīmanu kona mau lau e kapalili ana i ka makani. 'O kēia kumu koa nui a u'i loa 'o ...

Kaina and his new friends traveled further i uka. The air was getting cooler, and the ground was pa'a, just how Kaina liked it.

When they arrived at the kīpuka, Kaina looked around. He listened carefully. He heard a pleasant leo calling out, "E Kaina ē, aia i hea 'oe? Where are you, Kaina?" Kaina saw a tall and strong kumu koa. She was beautiful, and her lovely leaves fluttered in the makani. This large, magnificent kumu koa was ...





KO KAINA MAKUAHINE! E hea mai ana 'o ia me ka leo kaumaha, "Kaina ... 'auhea 'oe e ku'u keiki?"

I ke kokoke 'ana aku o Kaina i ia kumu koa, kīko'o maila 'o ia i kona mau lālā iā Kaina. 'Ōlelo maila ia, "E ku'u keiki ē, ku'u koa ikaika ho'i. Ua ho'i mai 'oe ia'u. Ua ho'i mai nō 'oe i kou home." I ka lohe 'ana o Kaina i kēia 'ōlelo, hū a'ela ke aloha i loko ona.

Kaina's mother! She was calling with a sad leo, "Kaina ... 'auhea 'oe! Where are you, my beloved child?"

As Kaina got closer to the kumu koa, she reached out her branches toward him. "E ku'u keiki ē, my beloved, strong koa," she said. "You have returned to me! Ua ho'i mai! You have returned home." When Kaina heard this, he swelled with aloha.





PŪLIKI MAILA ko Kaina makuahine iā ia. "E Māmā," i ha'i aku ai 'o Kaina. "Ua 'ike au i nā 'ano wahi like 'ole, he kupaianaha! Ke ho'okūkū nō na'e me ko kākou home, 'a'ohe lua e like ai. 'O kēia kīpuka nō ē ka 'oi! Na ku'u mau hoa hou i a'o mai i ka ha'awina nui 'o ka 'onipa'a. A no ka mea, aia ia'u ke akamai a me ka ikaika o ko'u 'imi 'ana. 'E'ole lākou, ho'i mai au i ka home nei, a ua loa'a hou ko'u 'ohana ia'u!"

Komo hou ihola nā a'a o Kaina a pa'a loa i loko o ka honua. Ua maopopo pono iā ia 'o kēia kona 'āina hānau, kona kulaiwi, kona home aloha ... aia i uka me kona 'ohana.

Kaina's mother gave him a big hug. "E Māmā," he said. "I saw a lot of different places. Kupaianaha! But nothing compares with our home. This kīpuka is the best place for me. My new friends told me to be persistent—e 'onipa'a. By being persistent, I found what I was looking for. They helped me get back home. And now I've found my 'ohana! Ua loa'a ia'u!"

Kaina's roots sunk deep into the honua. He knew this was where he belonged ... aia i uka me kona 'ohana. He was home in the uplands with his 'ohana.





KA PAPA HUA'ÕLELO — GLOSSARY

Aia i hea 'oe? Where are you?

Aia i ka māla. [He was] in the garden.

Aia i ka mau'u. [He was] on the grass.

Aia i kahakai. [He was] at the beach.

Aia i kai. [She was] at or toward the sea.

Aia i kula. [He was] in or toward the plains.

Aia i luna. [She was] above.

Aia i uka me kona 'ohana. [He was] in the uplands with his family.

Aloha e Kalama. Greetings, Kalama.

Aloha e ke hoa! Greetings, friend!

Aloha mai kāua. Greetings between us.

'A'ole au 'ike. I don't know.

'A'ole mamao. [It's] not far.

Aue! Oh dear: oh shucks!

'Auhea 'oe? Where are you; listen up.

E hele 'oe pēlā! Get out of here!

E ho'olohe ka pepeiao. The ears listen; be attentive.

E Kaina ē. Hey, Kaina.

E ke hoa ē. Hey there, friend.

E ku'u keiki ē. My dear, beloved child.

E Māmā. Hey, Mom.

E nānā ka maka. The eyes look; be observant.

E 'onipa'a (ka mana'o). Be steadfast, persistent; be focused.

'elepaio a species of flycatcher with subspecies on Hawai'i (*Chasiempis sandwichensis sandwichensis*), Kaua'i (*C. sandwichensis sclateri*), and O'ahu (*C. sandwichensis gayi*)

hau'oli happy, glad, joyful

He aha kēnā? What is that?

hiapo firstborn child

Hiki nō! Can do!

Hiki paha? Could [you], perhaps?

hīnano flower of the male pandanus tree

hō wow; amazing

honua ground, land, earth, world

Hui! Hey, hello, yoo-hoo!

i uka in or toward the uplands

Inā kākou! Let's go!

inoa name

Kā! Hah; sheesh; goodness! (An interjection of mild disapproval, annoyance, or surprise. Pronounced "kah," "tah," "chah," "tsah," "sha," and "sa.")

ka lama the lama—all endemic kinds of ebony; torch, light, lamp

kaina shortened form of kaikaina, the Hawaiian term for younger sibling of the same gender

kalo taro (*Colocasia esculenta*), cultivated as a staple; its starchy root is often eaten as poi and its leaves as baked lū'au; more than 300 forms were developed and cultivated in Hawai'i.

kama'āina familiar; native-born; host; native plant

Source: Pukui, Mary Kawena, and Samuel H. Elbert. Hawaiian Dictionary. 2nd ed. Honolulu: University of Hawaiii Press, 1986.

KA PAPA HUA'ÕLELO — GLOSSARY

kani sound, noise

kīpuka forest surrounded by lava

koa the largest of native forest trees (*Acacia koa*), with crescent-shaped leaves and wood used for canoes, surfboards, calabashes, furniture, and instruments

kolo hale crawling of a house

kula plains, field, open country

kumu koa koa tree

kumu niu coconut tree

kupaianaha amazing, wonderful

leo voice, tone, tune, melody, sound

Mahalo nō. Thanks, truly.

makani wind

māla garden, cultivated field, patch

mālama care for, attend, protect, preserve

malihini visitor, foreigner, stranger

manu bird; any winged creature

mau'u grass

mea'ai food

moʻolelo story, tale, myth, history, tradition, legend, record

'O Hinu ko'u inoa. Hinu is my name.

'O Kaina ko'u inoa. Kaina is my name.

'ohana family, relative, kin group; related

'ōpio youngster; youth

pa'a firm, solid

pāpa'i general term for crabs

Pehea 'oe? How are you doing?

pilikia problem, trouble of any kind

pūhala hala or pandanus tree (*Pandanus odoratissimus*), both cultivated and wild. Its leaves are used for mats, baskets, hats; its yellow to red fruit sections for lei, brushes; flowers for fine mats or perfuming tapa; aerial roots are a good source of vitamin B.

pūnana nest, shelter, gathering place

pūpū general term for marine and land shells

pūpū kani oe a land shell (*Partulina physa*); *lit.*, shell that sounds long, so called because the belief that land shells sing

Ua hoʻi mai. [You have] returned.

Ua loa'a. [They were] found.

Ua loa'a ia'u. I've found [my 'ohana].

Ua nalowale. [It] was lost; [it] disappeared.

HE MAU HA'AWINA 'ÕLELO HAWAI'I — HAWAIIAN LANGUAGE LESSONS

The English translation of 'O Kaina ke Kumu Koa includes several basic Hawaiian language patterns that ask where somebody is, command an action, or describe a condition reached.

Asking Where Somebody Is

To ask someone where he or she is, you could say, "Aia i hea 'oe?"

A helpful formula

Aia i hea + pronoun = a question asking where people are

- 1. Start the question with Aia i hea.
- 2. Then add a pronoun—I, you, we, they, etc. The example above uses 'oe (you).

Putting the formula to use

Using the pronouns below, how would you ask, "Where is/are?"

'o ia he/she/it kāua we (you and I)

lākou they (three or more people)

Answers: "Aia i hea 'o ia?" "Aia i hea kāua?" "Aia i hea lākou?"

Responding to the question

Respond to the question by moving the pronoun forward and replacing *hea* with the location. For instance, to say, "She is in the garden," you would say, "Aia 'o ia i ka māla."

A helpful formula

Aia + pronoun + i + location = a statement of where someone is

- 1. Start with Aia.
- 2. Next comes the pronoun—I, you, we, they, etc. The example above uses 'o ia (he, she, or it).
- 3. Add i, which is often translated as in, on, at, or to.
- 4. Then show the location using a noun phrase, such as ka māla (the garden).

Putting the formula to use

Using the response *Aia* 'o *ia i* _____, plug in the noun phrases below to say, "She is at/on ____."

ka hale (the house) ka mau'u (the grass) kahakai (the beach) kula (the plains)

Answers: "Aia 'o ia i ka hale." "Aia 'o ia i ka mau'u." "Aia 'o ia i kahakai." "Aia 'o ia i kula."

Command Sentences

Command sentences are a charge, command, or order to do something, such as *E nānā ka maka* (The eyes should look).

A helpful formula

E + action word + noun phrase = a command sentence

- 1. Start the sentence with E.
- 2. The action word comes next, as in *look* in the example above.
- 3. Add a noun phrase, as in the eyes.

Putting the formula to use

Following the three-part formula above, how would you say the following?

"The ears should listen." (listen — hoʻolohe, the ears — ka pepeiao)

"The mind should be steadfast." (steadfast — 'onipa'a, the mind — ka mana'o)

"The body should rest." (rest — ho'omaha, the body — ke kino)

"The eyes should look." (look — nānā, the eyes — ka maka)

Answers: "E hoʻolohe ka pepeiao." "E ʻonipaʻa ka manaʻo." "E hoʻomaha ke kino." "E nānā ka maka."

Describing a Condition Reached

In Hawaiian, when we want to describe a condition that's been reached and may still exist, we use *ua* first in the phrase. The story includes examples of this:

Ua loa'a. (It has been gotten.)

Ua nalowale. (It is lost or has disappeared.)

A helpful formula

Ua + descriptive word = a phrase describing the condition something has reached

- 1. Start with ua.
- 2. Then add a word that describes the condition of something, like *loa'a* (gotten) and *nalowale* (lost) in the examples above.

Putting the formula to use

Using the formula, how would you say the following?

It is happy. (use the descriptive word hau'oli)

It is familiar. (use the descriptive word kama'āina)

It was firm. (use the descriptive word pa'a)

It was amazing. (use the descriptive word *kupaianaha*)

Answers: "Ua hauʻoli." "Ua kamaʻāina." "Ua paʻa." "Ua kupaianaha."

'ELIMA MANA'O

e kāko'o ana i nā ha'awina o kēia puke

1. No ka 'ōpio

I ka hoʻomaka ʻana o kēia moʻolelo, aia ʻo Kaina ma kahakai, he mamao nō ia mai kona home aku. Pehea ʻo ia i hoʻi ai i kona home? ʻlke anei ʻoe i ke ala e hoʻi ai ʻoe i kou home? E kūkākūkā me kou mau mākua no kou wahi noho ponoʻī a iā wai hoʻi ʻoe e kāhea aku ai ke pono, nāna ʻoe e kōkua i ka hoʻi ʻana i kou home.

2. No ka 'ohana

Ma ka moʻolelo, ʻōlelo akula ʻo Kolohale iā Kaina, "Aia i ke akamai a me ka ikaika o kou ʻimi ʻana, aia i laila ke kō o ka makemake. E ʻonipaʻa!" He aha kēia mea ʻo ka ʻonipaʻa? Pehea e kōkua ai ka ʻohana kekahi i kekahi i ka ʻonipaʻa mau?

3. No ka papa kula

No nā 'ano kaianoho like 'ole o Hawai'i Moku o Keawe nā hoa hou o Kaina. E kūkākūkā ka po'e haumāna i kēia mau nīnau penei:

- He aha ke kajanoho?
- He aha ke 'ano o nā kaianoho o kēlā me kēia hoa hou o Kaina?
- He aha kekahi meakanu a holoholona paha e noho ana ma ia mau kaianoho?
- No ke aha e hiki 'ole ai iā Kaina ke noho i ia mau wahi?
- He aha ke 'ano o kou wahi noho?
- He ko'iko'i anei ka mālama 'ana i nā kaianoho o Hawai'i Pae 'Āina? No ke aha?

4. No ke kaiaulu

He 'a'aka a ho'okipa 'ole ke 'ano o kekahi hāme'e o nei mo'olelo, 'o Hau'oli kona inoa. 'O Hīnano kekahi hāme'e 'oko'a, he ho'ālohaloha a ho'okipa aloha kona 'ano. Ua kono aku ho'i 'o Hīnano iā Kaina e noho pū me ia ma kona wahi noho. He aha ke 'ano o ko ke kaiaulu āu e noho nei? He ho'okipa maika'i nō paha i nā kama'āina a me nā malihini?

5. No ka lāhui

Ua kōkua mai nā mea malihini iā Kaina i ka hoʻi ʻana i kona home. I kekahi manawa, ʻoi aku ka maʻalahi o ke noi kōkua i ke kamaʻāina. Eia nō naʻe, ʻo ka malihini kekahi ke kōkua mai. Pehea i kōkua mai ai nā kānaka ʻē i ka hoʻola a hoʻoikaika ʻana i ko kākou lāhui? He aha ko lākou kūlana ma ko kākou lāhui?

FIVE TIPS

for applying the lessons of this book

1. 'Ōpio (children and youth)

In the beginning of the story, Kaina finds himself lost at the beach, far away from home. How does Kaina find his way back home? Do you know how to find your way back home? Talk with your parents about where you live and whom you can call if you need help returning home.

2. 'Ohana (extended family)

In the story, Kolohale tells Kaina, "If you are persistent, you will find what you seek." What does it mean to be persistent? How can members of the 'ohana help each other to be persistent?

3. Papa kula (classroom)

The new friends Kaina meets on his journey are from different environments found on Hawai'i Island. In your papa (class), discuss the following questions:

- What is an environment?
- What type of environment was each of Kaina's friends from?
- What other plants or animals live in those environments?
- Why couldn't Kaina live in those other environments?
- How would you describe the environment where you live?
- Why is it important to preserve Hawai'i's unique environments?

4. Kaiaulu (community)

One of the characters in the story, Hau'oli, is surly and territorial. Another character, Hīnano, is friendly and invites Kaina to live with him. What are the characteristics of your kaiaulu? How would you want your kaiaulu to be viewed—both by kama'āina (those born in Hawai'i) and by malihini (visitors)?

5. Lāhui (people, nation)

As Kaina makes his way home, he receives help from several strangers. It is sometimes easier to ask for help from those we know, but kōkua can also come from those we don't know. How have others helped forward the causes of our lāhui? What is their standing in our lāhui?

KA HALE KUAMO'O

Kākoʻo a paipai ka Hale Kuamoʻo–Kikowaena ʻŌlelo Hawaiʻi i ka hoʻokumu ʻana i ka ʻōlelo Hawaiʻi, ʻo ia ka ʻōlelo kaiapuni o nā kula, o ke aupuni, o nā ʻoihana like ʻole, i lohe ʻia mai hoʻi ka ʻōlelo Hawaiʻi mai ʻō a ʻō o Hawaiʻi Pae ʻĀina.

Na ka Hale Kuamoʻo e hoʻomohala nei i nā haʻawina e pono ai ka holomua o ka ʻōlelo Hawaiʻi ʻana ma nā ʻano pōʻaiapili like ʻole e like hoʻi me ka haʻawina ʻōlelo Hawaiʻi no nā kula ʻōlelo Hawaiʻi, nā papahana kākoʻo kumu, ka nūpepa ʻo *Nā Maka O Kana*, a me ka puke wehewehe ʻo *Māmaka Kaiao*.

Ua hoʻokumu ʻia ka Hale Kuamoʻo e ka ʻAhaʻōlelo o ka Mokuʻāina ʻo Hawaiʻi i ka makahiki 1989. ʻO ka Hale Kuamoʻo ke keʻena Mokuʻāina ʻōlelo Hawaiʻi mua loa a puni ʻo Hawaiʻi. Inā makemake ʻoe e kākoʻo i nā pahuhopu a me nā hana o ka Hale Kuamoʻo ma ka lūlū mai i ke kālā hāʻawi manawaleʻa, e hoʻouna mai i ka University of Hawaiʻi Foundation—Hale Kuamoʻo ma ka helu wahi i hōʻike ʻia ma ka ʻaoʻao hoʻokuleana.

KA PAPA HO'OPUKA 'O KAMEHAMEHA

I Oha Nā Pua

Kākoʻo ka Papa Hoʻopuka ʻo Kamehameha i ke ala nuʻukia o nā Kula ʻo Kamehameha ma ka hoʻopuka a hoʻomalele ʻana aku i nā huahana ʻōlelo a moʻomeheu Hawaiʻi, a me nā huahana na ke kaiaulu i mea e hoihoi ai nā haumāna a e hoʻoikaika a hoʻoulu ai hoʻi i ke ola mauli Hawaiʻi.

Ua hoʻokumu ʻia nā Kula ʻo Kamehameha i ka makahiki 1887 e ka hoʻoilina a ke Aliʻi Bernice Pauahi Bishop, ka moʻopuna kuakahi a ka Mōʻī Kamehameha ʻEkahi. Ua ʻike maka ke Aliʻi Pauahi i ka pōpilikia naʻauʻauā o ka poʻe Hawaiʻi, a noʻonoʻo ihola ʻo ia ʻo ka hoʻonaʻauao ka mea koʻikoʻi loa e hoʻoikaika a hoʻōla ai i kona lāhui aloha. Ua lilo nā Kula ʻo Kamehameha he ʻōnaehana kāʻokoʻa e mālama nei i ʻekolu mau kahua kula mālaaʻo a i ka papa ʻumikumamālua, he kanakolu a ʻoi mau kula kamaliʻi, a me nā papahana hoʻonaʻauao ma nā kaiaulu like ʻole o ko Hawaiʻi pae ʻāina. Hāʻawi pū aku nā Kula ʻo Kamehameha i ke kālā kōkua haumāna a me ke kālā kākoʻo i nā kula hoʻāmana i nui mano nā haumāna e kākoʻo ʻia ana ma ko lākou ʻimi naʻauao ʻana i kēlā me kēia makahiki.

HALE KUAMO'O

The Hale Kuamoʻo–Hawaiian Language Center supports and encourages expansion of Hawaiian language as the medium of education, business, government, and other contexts of life in Hawaiʻi.

The center provides professional and material resources necessary to address this goal including educational support in the development of curriculum materials for Hawaiian medium education, teacher training, *Nā Maka O Kana* Hawaiian language newspaper, and the *Māmaka Kaiao* dictionary of contemporary Hawaiian terms.

Established and funded by the state legislature in 1989, the Hale Kuamo'o is the first example of a state office conducting its business in Hawaiian. If you wish to contribute to the goals and activities of the Hale Kuamo'o, please send your donation to the University of Hawai'i Foundation–Hale Kuamo'o to the address listed on the copyright page.

KAMEHAMEHA PUBLISHING

Amplifying Hawaiian Perspectives

Kamehameha Publishing supports Kamehameha Schools' mission by publishing and distributing Hawaiian language, culture, and community-based materials that engage, reinforce, and invigorate Hawaiian cultural vitality.

Kamehameha Schools was established in 1887 by the estate of Princess Bernice Pauahi Bishop, the great-granddaughter of Kamehameha I. Witnessing the catastrophic decline of the Hawaiian population, Pauahi anticipated that education would be the single, most effective remedy to strengthen and sustain her beloved people. Today, Kamehameha Schools is a comprehensive educational system that operates three K–12 campuses, more than thirty preschool sites, and community education programs throughout the state. Kamehameha Schools also provides financial aid, scholarships, and charter school funding to serve thousands of additional students each year.

'O KAINA KE KUMU KOA

KAINA THE KOA TREE

HE ALAHELE KÎKE'EKE'E KO KE KUMU KOA, HE ALA I PIHA I NĀ HOA HOU, NĀ WAHI HOU, A ME NĀ PILIKIA E ĀLAI ANA I KA HO'I 'ANA I KONA HOME.

A young koa tree finds new friends, new places, and new challenges as he searches for home.

Nā Po'oinoa ma ka Pūka'ina Kupukupu • Titles in the Kupukupu Series

'O Kaina ke Kumu Koa • Kaina the Koa Tree No ka Moe Wa'a • The Wa'a Dreams E Ku'u Hiapo • My Beloved Hiapo

Hoʻolilo ʻia ke kālā mai ke kūʻai ʻia aku o kēia puke no ke paʻi a hoʻomalele aku i nā huahana ʻōlelo Hawaiʻi ʻē aʻe.

Proceeds from this publication will be used to publish and distribute other Hawaiian language materials



Hale Kuamoʻo

